



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs VIII. Domine Dominus noster, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Pœnam quotidie malis minatur,
Si non pœnitet illius nefandi
Peccati: potius iuuat leuare
Iram, quàm Deus ardet æstuatq̃.
Ecce ensem exacuit suum Iehoua,
Arcum viribus en suis tetendit
Telis mortiferis necem minatus.
Concepit facinus malignus hostis
Pregnans atq̃ graui dolore partus,
Turpem mox pariet leuemq̃ abortum.
Damnosam foueam piis parauit.
Et quos ipse aliis dolos struebat,
Hos in perniciem sui tetendit,
Ac ipse in foueam incidit dolosam,
Quàm ceu decipula pios petebat.
Et sic propria fraus nocebit ipsis
Ferri, vulnera sentient, dolosi.
Nunc grates referens Deo benigno
Eius nomina clara predicabo.*

PSALMVS VIII.

Domine Dominus noster, &c.

Summe

*S*umme Deus noster, moderator maxime rerū,
*Q*uam tua maiestas, laus, admirabile nomen,
Et decus à terris omnem super aethera surgit.
*I*psa tuas lactens profert infantia laudes,
*R*oboris immensi praeconia concinit ore.
*V*t malè confusus taceat tuus hostis & ultor.
*A*spiciens Caelos, Lunam Stellasq; micantes,
*C*uncta manū sapiens tua quæ monimēta creauit.
*N*on me contineo, tacitus quin mente reuoluam:
*E*cquis homo, nisi vilis, humi de semine, massa?
*Q*uæue propago potest mortalis tanta putari,
*V*t memor ipsius digneris visere prolem?
*F*ecisti paulisper eum subsidere Numen
*I*nfra: à te tamen eximio decoratur honore.
*H*unc operi, quodcunq; manus tua celsa parauit,
*P*reficis, illius pedibus simul omnia subdis.
*V*t tanquam fortis Domini sub iura vocentur,
*I*n viridi campo pecudes, genus omne ferarum,
*I*n syluis & aues volitant ubicunq; per auras,
*A*c ubicunq; natant diffusa per aquora pisces.
*S*umme Deus noster, moderator maxime rerum,
*Q*uam tua maiestas, laus, admirabile nomen,
Et decus, à terris omnem super aethera surgit.

C PSAL.